

Каноны из Триоди Постной

В среду 4-й седмицы Великого Поста

Творение Господина Феодана

Глас 4

Песнь 1

Ирмос: Отвѣрзу уста моя, и наполнятся Духа, и слово отрыгну Царице Матери, и явлюся светло торжествуя, и воспою радуясь Тоя чудеса.

Припев: Слава, Господи, Кресту Твоему Честному.

Древу святому, на немже Христос простре длани, побеждая сопротивная начала, поклонимся, постом очистившися, в хвалу и славу Вседержителя.

Слава, Господи, Кресту Твоему Честному.

Видится прилежимь, освящение подавая, Крест спасительный, к сему приступим, очистивше и тело, и сердце, и почерпем благодать спасительную.

Слава: Огнем мя очисти заповедей Твоих, Человеколюбче, и Твоя спасительная подаждь ми страсти ныне видети, и любовьию поклонитися, Крестом ограждаему и соблюдаему.

И ныне: Вознесение видящи на Кресте Твое, Человеколюбче, рыдаше зовущи Тя рождающая: како осужден, хотяи всем судити, видится висий славы Господь.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Песнь 3

Ирмос: Твоя песнословцы, Богородице, живый и независтный источник, лик себе совокупльшия духовно утверди в Божественней Твоей славе, венцев славы сподоби.

Слава, Господи, Кресту Твоему Честному.

Поста водою сердца очистивше, Древо Крестное верно обьемем, на немже Христос вися, воду нам оставления, яко Благодетель, источи.

Слава, Господи, Кресту Твоему Честному.

Крестным ветрилом окрившися, корабль спасительный се поста преполовивше, Мессиа Иисусе Боже, имже нас страсти Твоя к пристанищу окорми.

Слава: Образоваше Моисей ты на горе врагов на убиение, Кресте; мы же воображаем ты седцем, и зряще ты, и поклоняющися, побеждаем враги безплотныя силою Твоею.

И ныне: Хотением Твоим человек был еси, Бог сый и всех Творец; и ныне на Кресте Ты висима зрю, Спасе мой, Христе, Ты рождающая глаголаше, и

сёрдцем уязвляюся.

Спаси́ от бед раби́ Тво́я, Влады́ко Многоми́лостиве, си́лою Честна́го и Животворя́щаго Креста́ Твоего́, я́ко мы усёрдно к Тебе́ прибега́ем, ми́лостивому Влады́це, Го́споду Иису́су.

Го́споди поми́луй. (Трижды.)

Седален, глас 6

Днесь проро́ческое испо́лнися сло́во: се бо покланя́емся на ме́сто, иде́же сто́яте но́зе Тво́й, Го́споди. И Дре́во спасе́ния прие́мше, грехо́вных страсте́й свобо́ду получи́хом, моли́твами Богоро́дицы, еди́не Человеколю́бче.

Слава: Крест Твой, Го́споди, освяти́ся, в нем бо быва́ют исцеле́ния боля́щим во гресе́х; имже Тебе́ припа́даем, поми́луй нас.

И ны́не: То́кмо водрузи́ся Дре́во, Христе́, Креста́ Твоего́, основа́ния поколеба́шася сме́рти, Го́споди; Его́же бо поглоті́ желани́ем ад, отпусти́ трепетом. Яви́л еси́ нам спасе́ние Твое́, Святы́й, и славосло́вим Тя, Сы́не Бо́жий, поми́луй нас.

Песнь 4

Ирмос: Седя́й в сла́ве на престо́ле Божества́, во о́блаце лёгце прииде́ Иису́с Пребоже́ственный, нетле́нною длáнию, и спасе́ зову́щия: сла́ва, Христе́, си́ле Твое́й.

Сла́ва, Го́споди, Кресту́ Твоему́ Честно́му.

Вообража́я зна́мение Креста́, ру́це протира́ше премене́нием, вну́чата дре́вле Иа́ков сла́вный благословля́я, и зна́менуя спаси́тельное благослове́ние, на всех нас приходи́щее.

Сла́ва, Го́споди, Кресту́ Твоему́ Честно́му.

Соблюда́еми печáтию Креста́, и предлежа́ща с ра́достию дýха того́ целую́ще, к спаси́тельным страсте́м иде́м, губи́тельныя стра́сти плотски́я умертви́вше.

Слава: Спаси́тельное тя ору́жие, непобеди́мую побéду, ра́дости зна́мение, имже сме́рть умертви́ся, объ́имем, сла́вою украша́ющеся на тебе́ пригво́ждшагося, Кресте́ всечестны́й.

И ны́не: Види́мый Мно́ю, види́мь был еси́ Ангелом непристу́пный, Иису́се Сы́не Мой, плоть от Мене́ заимова́вый; и ны́не зря́щи Тя на Дре́ве пригво́ждена, рыда́ю, Христо́ва Ма́ти глаго́лаше.

Спаси́ от бед раби́ Тво́я, Влады́ко Многоми́лостиве, си́лою Честна́го и Животворя́щаго Креста́ Твоего́, я́ко мы усёрдно к Тебе́ прибега́ем, ми́лостивому Влады́це, Го́споду Иису́су.

Песнь 5

Ирмос: Ужасо́шася вся́ческая о Боже́ственной сла́ве Твое́й, Ты бо неискусобра́чная Де́во, имела́ еси́ во утробе́ над все́ми Бо́га, и родила́ еси́ безле́тнаго Сы́на, всем воспева́ющим Тя мир подава́ющая.

Сла́ва, Го́споди, Кресту́ Твоему́ Честно́му.

Мертв был еси́ на Кресте́ пригво́ждае́мь, всем сый жизнь и спасе́ние; сего́ ўбо да́руй, очи́щенною душе́ю, Спа́се, нам объ́яти, и Тво́я стра́сти спаси́тельныя ви́дети ра́дующимся.

Слава, Господи, Кресту Твоему Честному.

Предстоят чинове тебе безплотных трепещущу, Древо живодательное; на тебе бо честную Кровь Свою Христос излия, лучу испущая издалеча, бесомнося пагубу безконечную.

Слава: Оружием уязвеннаго вражиим, исцели мя Кровию Твоею, Слове, и копием грехов моих вскоре раздери Спасе, рукописание, вопию Ти, в книги пишуся мя спасенных, яко благоутробен.

И ныне: Грозд зрелый, како на Древе обесился еси? Солнце славы, како взялся еси, сияние солнца омрачая, Спасе, страстию Твоею? Родшая Тя Агница, древле вопияше Ти, матерски восклицаяще.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Песнь 6

Ирмос: Возопи, прообразуя погребение тридневное, пророк Иона, в ките моляся: от тли избави мя, Иисусе Царю сил.

Слава, Господи, Кресту Твоему Честному.

Стрясл еси водруженный адово жилище, верным же непоколебимое утверждение был еси, известный покров, Господень Кресте всечестный.

Слава, Господи, Кресту Твоему Честному.

Плодоносни добродетельми бывше, обьемем Божественнаго Древа живоносныя плоды, яже прозябе, прострыйся на сем Иисус, плодовиата лоза.

Слава: Поем Твою, Иисусе, многую благодать, поклоняющеся Кресту Твоему, копию, трости; теми бо разрушил еси вражды, Щедре, средоградие.

И ныне: Вод Тя реку животочных роди Всечистая, яко источника нашего обновления, на Кресте простершагося, и капли спасения источившаго.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Господи помилуй. (Трижды.) Слава, и ныне.

Кондак, глас 7

Не ктому пламенное оружие хранит врат Едемских, на тыя бо найде преславный союз Древо Крестное, смертное жало, и адова победа прогнася. Предстал бо еси, Спасе мой, вопия сущим во аде: внидите паки в рай.

Икос

Три кресты водрузи на Голгофе Пилат, два разбойников, и един Жизнодавца. Егоже виде ад, и рече сущим доле: о слуги мой, и силы моя! Кто водрузив гвоздие в сердце мое, деревяным мя копием внезапно прободет? И растерзаюся, внутренними моими болу, утробою уязвляюся, чувства моя смущают дух мой, и понуждаются изрыгати Адама, и сущия от Адама, древом данныя ми; Древо бо сия вводит паки в рай.

Песнь 7

Ирмос: Не послужиша твари богумудрии паче Создавшего, но огненное прещение мужески поправше, радовахуся, поюще: препетый отцев Господь и Бог, благословен еси.

Слава, Господи, Кресту Твоему Честному.

Секира, юже Елиссей взя от Иордана, Христе, Крест являше, имже из глубины суетия языка извлекл еси, воспевающая: отцев Господь и Бог, благословен еси.

Слава, Господи, Кресту Твоему Честному.

Радуются со земными небесная, поклонению твоему, Кресте, тобою бо Ангелом и человеком соединение бысть, всеильне, вопиющим: Господи Боже, благословен еси.

Слава: Яко кипарис милосердие, яко кедр же веру благовонную, яко пенк истинную любовь приносяще, Господню Кресту поклонимся, на нем славяще Избавителя пригвоздившагося.

И ныне: Не поколебав небесная, во утробу Твою Бог вселися, граде Божий избранный; на Кресте же вися, тварь поколеба. Егоже моли, на недвижимом камени Его мне соблюстися.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Песнь 8

Ирмос: Отроки благочестивыя в пещи Рождество Богородично спасло есть, тогда убо образуемо, ныне же действуемо, вселенную всю воздвизает пети Тебе: Господа пойте, дела, и превозносите Его во вся веки.

Слава, Господи, Кресту Твоему Честному.

Простерл еси рuce на Древе, руки неудержимыя разрешая грех; копием же прободся еси, сим борца уязвляя, Господи; желчи же вкусил еси, сластную злобу изымая; оцтом напоился еси, всех веселие.

Слава, Господи, Кресту Твоему Честному.

Умом чистым и совестью светло приступивше поклонимся, предлежит честное Древо и святое, имже Христос бесчестную подъял смерть, честь наложив высочайшую, преступлением люте обесчестившимся.

Слава: Древом греха умертвихся, и вкушением сластным погребохся, оживи мя, Господи, воздвигни мя лежащаго, поклонника яви страстей Твоих, и причастника востания Божественнаго, и наследника возлюбивших тя.

И ныне: Вознесена Тя видящи, ни доброты в страсти, ни вида имуща, Егоже воплощенна разумех, краснейша паче сынов человеческих, Тя, единородный Сыне, всечистая вопияше Дева: покажи Твою славу, всех Спасение.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Песнь 9

Ирмос: Всяк земнорóдный да възгáется дýхом просвещáемь, да торжествует же безплóтных умóв естество, почитающее священное торжество Богомáтере, и да вопиет: радуйся, Всеблаженная, Богорóдице чистая Приснодево.

Слáва, Гóсподи, Кресту́ Твоему́ Честнóму.

Копи́ем Твое́ ребро́ отверзáеши, оставлénия распостира́я истóчник; на Дре́ве же пригвозди́лся еси́, Дре́вом уставля́я осуждénие, посреде́ земли, Человеколóбче; е́же мы преполовénием поста́ ны́не обლობызáем, воспева́юще Твою́ благостьню́.

Слáва, Гóсподи, Кресту́ Твоему́ Честнóму.

Гóры сладость, хóлми радование, любóвию иска́пайте; дрeвá же польскáя, ливáнстии кédри, ликуйте, поклонénием днесъ живонóснаго Крестá; прорóцы, мýченицы, апóстоли и праведных дýси, възгáйте.

Слáва: Призри на люди́ и достоя́ние Твое́, Гóсподи, страхом пою́щия Тя, смерть вóльную ихже ра́ди претерпéл еси́, да не победит Твоего́ благоутрóбия безмёрное мнóжество зол на́ших; но спаси́ вся ны, Преблагий, Крестом́ Твоим, я́ко Человеколóбец.

И ны́не: Мановénием Твоим колéблeши видимый мир, распина́емый, пребывáеши же висимый, Богорóдица пла́чуци глаго́лаше, страстна́я умышлénия первоздáннаго, Христé, потребити хотя́, и исцелити того́ сокрушénие блáгостию.